

Porkell Helgason
Strönd, 225 Garðabæ

Erindi til stjórnarskrárnefndar þeirrar sem skipuð var 6. nóvember 2013


Stjórnarskrárnefnd hefur lagt fram drög að frumvörpum um breytingar á þremur meginþáttum núgildandi stjórnarskrár, sem birt voru 19. febrúar 2016.

Gefinn er kostur á að koma fram með athugasemdir við þessi frumvarpsdrög sem gert er með bréfi þessu. Rétt er þó að vekja athygli á því að skilafrestur er afar naumur eða aðeins til 8. mars 2016 og verður því að áskilja rétt til að koma fram með frekari ábendingar þótt síðar verði.

Ég undirritaður, auk fimm annarra fyrrum fulltrúa í stjórnlagaráði, sendum stjórnarskrárnefnd erindi hinn 29. september 2014 með athugasemdum við 1. áfangaskýrslu nefndarinnar. Rétt eins og við sexmenningar lögðum áherslu á í því erindi tel ég enn að tillögur stjórnlagaráðs frá sumri 2011 séu sá eini grundvöllur sem hefur hlotið lýðræðislega umfjöllun. Tillögur ráðsins fengu mikinn stuðning í þjóðaratkvæðagreiðslunni 20. október 2012 þar sem tveir þriðju hlutar þeirra sem afstöðu tóku lýstu stuðningi við að tillögurnar skyldu lagðar til grundvallar frumvarpi að nýrri stjórnarskrá.

Að þessu sögðu tjái ég mig í sérstökum athugasemdarköflum með hliðsjón af því sem sagði í umsögn okkar sexmenninga til nefndarinnar 2014 svo og afstöðu minni í stjórnlagaráði. Í fyrsta kaflanum eru dregin saman meginatriðin í þessari umsögn. Ég leyfi mér á stöku stað að koma með ábendingar um málamiðlanir til að brúa bil milli ákvæða frumvarpsdraganna og samsvarandi ákvæða hjá stjórnlagaráði.

Virðingarfyllt,
6. mars 2015,



Athugasemdakaflar um einstök frumvarpsdrög stjórnarskrárnefndar

1. Meginatriði og framsetning
2. Um þjóðaratkvæðagreiðslur
3. Um umhverfisvernd
4. Um náttúruauðlindir